



COMUNU DE SESTU

CASA OFÈLIA

Connota cumenti Casa Ofèlia de su nòmini de s'ùrtima meri, Ofèlia Marras, est a sa fini de sa bia Parròchia (a su nùmuru 88) a s'incròciu cun bia Giulio Cèsare.

Costruida in su 1901 de su babbu de issa, Giuseppe Marras, in 1626 mq de terra, si podit cunsiderai cumenti una de is domus tradizionalis costruidas in làdiri chi funt una caraterìstica de s'architettura rurali de is biddas de su Campidanu. Su làdiri est imperau pruschetotu po is partis prus de importu de sa domu cumenti is pilastrus, is arcus e is lumburas a testimoniàntzia de sa possibilidadi econòmicas de is meris antigus.



Si podint arreconosci is cumponentis architetonicas de sa Domu Campidanese a corti cun sa tìpica dispositzioni a L cun is edifitzius a pranta retangulari largus giai 6 metrus. Su portali, fatu cun un arcu de làdiri, fiat in s'antigòriu s'ùnica intrada a sa proprietadi.



COMUNU DE SESTU

Sa domu est svilupada giai totu in d-unu pianu, e in su segundu ddoi est scèti un locali, cun crabetura a duas grundas cun tzivinas de linna e ordidùrias secundàrias.



Sa domu tenit de fronti su logiau nomenau sa lolla, tìpica de sa domu campidanesa.

Custu logu est una sighidura de sa domu: est stètiu cumentu un aposentu, unu spàtziu innui si faint meda atividadis de traballu ma fintzas cumentu passaditzu poita inguni s'afaciant totu is aposentus de sa domu chi, cun gennas o fentanas, podint pigai luxi e ària.

In sa “Casa Ofèlia” sa lolla est fata de una crabetura a grunda sustènnia de is arcus in làdiri in sa parti de fronti a su portali e de un sistema de crais de croi cun pilastrus in matonis de sa parti de su magasinu.

Comperada in sa metadi de is annus Noranta de su Comunu est stètia restrutturada cun su scopu de ddoi fai un tzentru culturali de primori cumentu fiat in passau.

Po mori ca s'àrea est stètia identificada de sa Regioni Autònoma de sa Sardigna cumentu parti de su “Tzentru de Antiga e Prima Formatzioni”, funt permìtius scèti traballus de



COMUNU DE SESTU

manutentzioni ordinària e straordinària, de restauru e sanamentu po allogai s'edifitziu aici cumentu est po protegi sa storicidadi de sa domu.

Imoi “Casa Ofèlia” est teatru de mostras e manifestatzionis difarentis, cumentu tzentru de sa vida culturali de sa tzitadi.



<https://www.comune.sestu.ca.it/index.php/casa-ofelia/>